

CONVENIO DE COLABORACIÓN ENTRE O CONCELLO DE LALÍN E A ASOCIACIÓN PARA A PROTECCIÓN DE ANCIÁNS DE LALÍN E COMARCA (APALC) PARA A ADQUISICIÓN DE FURGONETA ADAPTADA PARA O TRASLADO DE PERSOAS CON MOBILIDADE REDUCIDA

Lalín a 4 de decembro de 2018

REUNIDOS



Dunha parte, D. Rafael Cuíña Aparicio Alcalde do Concello de Lalín designado na sesión do Pleno da Corporación do 13 de xuño de 2015 na súa condición de alcalde de acordo co artigo 21 da Lei 7/1985, de 2 de abril, reguladora das bases do réxime local, en representación do Concello de Lalín.



E doutra D. Julio Benigno López Rodríguez, con DNI 34217811K, en calidade de Presidente da Asociación para a Protección de Anciáns de Lalín e a súa Comarca (APALC) con CIF G36022762 e domicilio na Rúa D, nº 17 segundo o disposto no artigo 32 dos seus Estatutos.

Ambas partes, recoñécense mutuamente a capacidade legal, lexitimidade, suficiencia e vixencia das súas respectivas facultades para subscribir o presente convenio e na súa virtude,



MANIFESTAN

PRIMEIRO.- O Concello de Lalín, de acordo ao artigo 25.2.e da Lei 7/1985, de 2 de abril, Reguladora das Bases do Réxime Local, modificada pola Lei 27/2013, de 27 de decembro, de racionalización e sostenibilidade da administración local, ten competencias en materia de avaliación e información de situacións de necesidade social e atención inmediata a persoas en situación ou risco de exclusión social.



CONCELLO DE LALÍN
www.lalin.gal

SEGUNDO.- A Lei 13/2008, do 3 de decembro, de servizos sociais de Galicia di que o sistema de servizos sociais rexeráse, entre outros, polos principios de *solidariedade* en canto os poderes públicos fomentarán a solidariedade como valor inspirador das relacións entre as persoas e os grupos sociais e impulsarán a implicación cidadá na superación das condicións que provoquen situacións de marxinación e de *coordinación* para promover a creación e desenvolvemento de instrumentos e mecanismos de relación interadministrativa así como coas entidades integradas no sistemas de servizos sociais que garantan unha actuación coordinada no eido do benestar social e da igualdade.

TERCEIRO.- A Lei 13/2008 de servizos sociais de Galicia no seu artigo 60 dentro do título VII denominado “Da atribución de competencias” regula a competencia dos concellos en servizos sociais, establecendo no 60.1 apartado b) a competencia:

“a creación, a xestión, e o mantemento dos servizos sociais comunitarios específicos, sen prexuízo do establecido no artigo 59 i)”

Entendendo por funcións dos servizos sociais comunitarios específicos, entre outras, a programas e actividades para previr a exclusión de grupos vulnerables de características homoxéneas e facilitar a súa inserción e normalización social.

CUARTO.- Dito artigo tamén recolle como unha das competencias dos concellos *a colaboración no fomento de servizos sociais prestados por entidades de iniciativa social así como a promoción de mecanismos de coordinación das actuacións realizadas por elas evitando duplicidades e infrautilización dos equipamentos sociais.*

QUINTO.-Que de acordo co artigo 3.3.b) da Lei 5/2014, de 27 de maio, de medidas urxentes derivadas da entrada en vigor da Lei 27/2013 este convenio non se entende como exercicio de unha nova competencia posto que supón a continuidade de actividade de fomento xa establecida en exercicios anteriores .

SEXTO.- Que se entende queda debidamente acreditado o interese ou finalidade pública da axuda que, en virtude deste Convenio, aporta o Concello de Lalín ao abeiro da Base 27 de Execución do Orzamento do Concello de Lalín prorrogado para o ano 2018. Así, atendendo ao interese do obxecto do presente convenio, o orzamento do Concello de

Concello de Lalín

Praza de Galicia, 1, Lalín. 36500 Pontevedra. Tfno. 986787060. Fax: 986780638

Lalín para o exercicio 2017, prorrogado para o ano 2018 foi modificado e dotouse a aplicación orzamentaria 0.231.780.08 cunha subvención nominativa para a Asociación para a Protección de Anciáns de Lalín e a súa Comarca (APALC)

SÉTIMO.- Que a Asociación para a Protección de Anciáns de Lalín e a súa Comarca (APALC) é unha entidade sen ánimo de lucro, declarada de interese social e utilidade pública inscrita no rexistro de entidades prestadoras de servizos sociais. De acordo co artigo 2 dos seus Estatutos son fins da entidade: a protección e fomento de actividades relacionadas coa atención de persoas maiores; persoas con discapacidade así como a atención a outros colectivos, familias ou persoas en situación e/ou marxinación social.

OITAVO.- Que a Asociación para a Protección de Anciáns de Lalín e a súa Comarca (APALC) presentou solicitude de axuda para o cofinanciamento de adquisición de vehículo adaptado para o traslado de persoas con mobilidade reducida.

NOVENO.- Que o Concello de Lalín ten competencias para subscribir convenio coa entidade APALC en virtude do artigo 47.2.c) da Lei 40/2015, do 1 de outubro do Rexime Xurídico do Sector Público

O Concello de Lalín, buscará liñas de cooperación coas distintas entidades sociais e desenvolverá os programas necesarios para a intervención integral coas persoas maiores, con discapacidade e/ou con dependencia, fundamentalmente, de aquelas que presentan dificultades de mobilidade. No mesmo senso o Concello de Lalín, a través da Concellería de Benestar Social, buscará a coordinación efectiva cos distintos sistemas de benestar e protección social que actúen no noso territorio, así como coas entidades de iniciativa social autorizadas que poidan complementar a nosa actuación.

En virtude do exposto, e no exercicio das competencias que lles son propias, as partes que interveñen están interesadas en establecer o presente convenio que se rexerá polas seguintes

CLÁUSULAS

PRIMEIRA.- Obxecto.

O presente Convenio ten por obxecto regular a colaboración do Concello de Lalín coa Asociación para a Protección de Anciáns de Lalín e a súa Comarca (APALC) para o cofinanciamento da adquisición dun vehículo adaptado.

SEGUNDA.- Normativa.

- 
- 
- Lei 38/2003, de 17 de novembro, Xeral de Subvencións.
 - Lei 9/2007, do 13 de xuño, de Subvencións de Galicia.
 - Lei 39/2006, do 14 de decembro, de promoción da autonomía persoal e atención ás persoas en situación de dependencia.
 - Lei 13/2008, do 3 de decembro, de Servizos Sociais de Galicia.
 - Decreto 99/2012, do 16 de marzo, polo que se regulan os servizos sociais comunitarios e o seu financiamento.
 - Real Decreto 1619/2012, de 30 de novembro, polo que se aproba o regulamento polo que se regulan as obrigas de facturación.
 - Base 27 de Execución do Orzamento do Concello de Lalín para o ano 2017, prorrogado para o ano 2018.
 - Liña 3 do Plan Estratéxico de Subvencións do Concello de Lalín para o ano 2017, prorrogado para o ano 2018.
- 



TERCEIRA.- Contido do programa e actuacións a desenvolver.

Este convenio servirá para o cofinanciamento da adquisición de un vehículo adaptado para o servizo de transporte de persoas usuarias do centro residencial e centro de día xestionado pola asociación, especialmente daquelas con mobilidade reducida.


CUARTA.- Obrigas de APALC.

- Cumprimento da actuación que se describen na cláusula anterior.
- Facer constar en todo tipo de publicidade e información que se realice en desenvolvemento deste programa, a participación e colaboración co Concello de Lalín.
- Facilitar toda a información que lle sexa requirida pola Intervención Xeral do

Concello de Lalín e/ou pola Concellería de Benestar, polo Tribunal de Contas e Consello de Contas, no exercicio das súas función de fiscalización e control do destino das axudas obxecto do presente convenio.

QUINTA.- Obriga do Concello de Lalín.

- Entrega da cantidade á que fai referencia a cláusula sétima previa xustificación e presentación de documentación por parte da entidade APALC



SEXTA.- Natureza.

Este Convenio ten unha natureza puramente de colaboración, entendendo que as cantidades ás que o Concello de Lalín se compromete con APALC, son para cubrir gastos esenciais das actuacións a desenvolver no marco deste convenio, polo que non se pode referir a este convenio ningunha natureza laboral, mercantil, civil ou de calquera outra clase xurídica.



A subscrición do presente convenio non implicará relación laboral, ou de calquera outra natureza, entre as persoas ou profesionais que desenvolvan as accións que constitúen o obxecto deste convenio co Concello de Lalín, de tal xeito que, por este concepto, non se lle poderá esixir ao Concello responsabilidade algunha, nin directa nin subsidiaria.



Polo que APALC obrígase a ter suficientemente cuberto, coas pólizas e seguros que foran precisos, ao persoal que realice estas tarefas de colaboración, sen que o Concello teña ningunha obriga ao respecto, nin de aboar cantidade algunha para cubrir calquera risco.

SÉTIMA.- Financiamento e xustificación do gasto.

Para a realización das actuacións sinaladas na cláusula terceira o Concello de Lalín achegará no ano 2018 a cantidade de **OITO MIL DOUSCENTOS EUROS (8.200 €)** do orzamento municipal coa que está dotada a aplicación orzamentaria 0.231.780.08.

A cantidade a financiar polo Concello de Lalín á que se refire a cláusula anterior librarase logo de que logo de que APALC achegue a seguinte documentación:

1. Memoria das actividades desenvolvidas no marco deste Convenio.

2. Orzamento detallado de ingresos e gastos da actividade con expresión do seu financiamento.
3. Declaración responsable asinada polo/a Secretario/a da Asociación, na cal se determinará que se cumpren todos os requisitos determinados no artigo 13 da Lei 38/2003 para obter a condición de beneficiario/a e que dita Asociación non incorre en ningún suposto de incompatibilidade ou prohibición para a percepción de axudas públicas.
4. Certificado expedido polo/a Presidente/a relativo ao desenvolvemento das actividades polo que se acredite que a subvención foi destinada á finalidade para a que foi concedida, así como da obtención doutras subvencións ou axudas para a mesma finalidade procedentes de calquera Administración ou entes públicos ou privados.
5. Xustificación do gasto **realizado durante a vixencia do convenio establecida na cláusula décima.- Facturas regulamentarias** (con tódolos requisitos esixidos polo Real Decreto 1619/ 2012, de 30 de novembro, polo que se aproba o regulamento polo que se regulan as obrigas de facturación) ou documentos de valor probatorio equivalente con validez no tráfico mercantil.

As facturas deberán cumprir cos seguintes requisitos:

- Deberá constar na factura unha explicación do gasto. Se o xustificante non é o suficientemente claro neste aspecto, deberá ir acompañado de nota explicativa da que se deduza unha clara relación do gasto coa actividade subvencionada.
- Reflectirá os datos identificativos do expedidor (nome, apelidos, denominación ou razón social, NIF e domicilio).
- Reflectirá os datos identificativos do/a destinatario/a que deberá ser a entidade subvencionada (nome, apelidos, denominación ou razón social, NIF e domicilio).
- Incluirá unha descrición detallada e prezo unitario da operación e a súa contraprestación total, importe pagado e moeda. Deberá reflectirse o IVE correspondente ou imposto equivalente para o seu caso, que estea en

vigor no país de emisión da factura. Cando a cota se repercute dentro do prezo deberá indicarse “IVE incluído”.

- Xustificantes de pago das facturas utilizadas para a xustificación. So se admitirán como xustificantes os pagos realizados mediante transferencia bancaria, polo que ás facturas deberán acompañarse do correspondente xustificante de dita transferencia.
- No caso de que se teñan realizado pagos que conleven retención de IRPF deberán presentar o correspondente modelo xustificativo de ter realizado o ingreso de dita retención na Axencia Tributaria.
- Os pagos de persoal retribuído coa súa pertinente retención xustificárase a través de nóminas acompañadas dos Tcs e comprobante bancario de pagamento de ambos conceptos.

O gasto xustificado documentalmente deberá acadar, como mínimo, o importe de **8.200€**. De non xustificarse o total do orzamento de execución do Convenio por causa imputable á Asociación para a Protección de Anciáns de Lalín e a súa Comarca (APALC) o Concello de Lalín minorará a súa achega proporcionalmente.

6. Declaración do conxunto das axudas solicitadas, tanto das aprobadas como pendentes de resolución, para a actividade obxecto deste Convenio.

7. Certificación de que a entidade beneficiaria se atopa ao corrente no cumprimento das súas obrigas tributarias e fronte á Seguridade Social.

A presentación da documentación farase, en todo caso, **antes do 15 de decembro de 2018**.

OITAVA.- Modificación do Convenio.

Toda alteración das condicións tidas en conta para a concesión desta axuda e, en todo caso, a obtención concorrente de subvencións ou axudas outorgadas por outras administración ou entes públicos ou privados, nacionais, internacionais, poderá dar lugar á modificación da contía da axuda contemplada no presente Convenio.



CONCELLO DE LALÍN
www.lalin.gal

NOVENA.- Comisión de Seguimento.

Constitúese unha Comisión mixta de seguimento para a axeitada coordinación, avaliación e cumprimento do convenio.

Esta Comisión estará composta por :

Concello de Lalín : Concelleiro de Benestar Social
 Persoal técnico da Concellería de Benestar Social

APALC: Representante Legal ou persoa na que delegue.
 Persoal técnico de APALC

A Comisión terá as seguintes funcións:

1. Efectuar o seguimento do grao de cumprimento do obxecto do convenio.
2. Resolver as controversias que poidan xurdir na interpretación e cumprimento do convenio.

DECIMA.- Duración.

O presente convenio estará vixente dende o 1 de xaneiro ata o 15 de decembro de 2018.

UNDÉCIMA.- Resolución.

Son causas de resolución do presente convenio e darán lugar non seu caso, ao reintegro das cantidades percibidas:

- Incumprimento total ou parcial das cláusulas establecidas no mesmo.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das cantidades recibidas.
- Mutuo acordo.

DUODÉCIMA.- Responsabilidades e causas de reintegro.

Son causas de reintegro da subvención, xunto cos xuros de demora correspondentes dende o momento do seu pago, as establecidas no Título II da Lei 38/2003, do 17 de novembro, Xeral de Subvencións. APALC quedará sometida ás responsabilidades e

Concello de Lalín

Praza de Galicia, 1, Lalín. 36500 Pontevedra. Tfno. 986787060. Fax: 986780638

réxime sancionador establecidos na Lei Xeral de Subvencións e na Lei Xeral Orzamentaria.

DÉCIMO TERCEIRA.- Réxime Xurídico.

O presente convenio ten carácter administrativo e as lagoas ou diverxencias que puideran apreciarse na aplicación do presente convenio interpretaranse e resolveranse motivadamente polo Concello de Lalín, previo ditame non vinculante da comisión á que fai referencia a cláusula novena. Contra estas resolución e polo carácter administrativo deste convenio, poderanse interpor os oportunos recursos contencioso – administrativos. As cuestión litixiosas xurdidas da aplicación do presente Convenio, non resoltas en vía administrativa, serán resoltas pola Xurisdición Contencioso- Administrativa.

DÉCIMO CUARTA.- Protección de Datos de Carácter Persoal.

APALC comprométese a cumprir o Regulamento U.E. 2016/679 do Parlamento Europeo e do Consello do 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos, a Lei Orgánica 15/1999, de 13 de decembro, de Protección de Datos de Carácter Persoal e o Real Decreto 1720/2007, de 21 de decembro, polo que se aproba o Regulamento de desenvolvemento da Lei Orgánica.

CONCELLO DE LALÍN
O Sr. Alcalde



Rafael Cuiña Aparicio

APALC
O Sr. Presidente



Julio Benigno López Rodríguez